

古稱鄉先生沒而可祭於社者以其有功德當榮報也況建一鄉未曾有之功貽沒世不能忘之德則美而傳之尸而祝之何能已乎吾鄉 祠奉祀 魏莊吳邵許伍十大老者前 明舊臣也 明祚既遷心不肯貳遂隱其官銜名字避地而南至則會唐人在南者冠以明字存國號也卅六省皆有所立而廣南始焉初居茶饒尋遷會安相川原之勝通山海之利井里畫焉 闔設焉以永幹年子茲者皆其所貽也

十大老既往 三大家繼之曰 洗國公 吳廷公 張弘公 皆能修 前人功為桑梓計始建地簿闢

闔土益之以新培而民居以廣商旅以聚 神祠寺觀營造壯麗而祀事以修辰有

鄭門莫氏發願捐貲買田土附之 惠鴻大師供 祠土廣之人和事舉俗厚風淳天寶物華為 南州一

都會有 黎朝迄于

國初皆別格待之與土著異鄉篆用牙政屬省 慶賀品儀得附

奏獻復兵徭歲貢絹布或代以銀人有材智出衆者咸在簡拔列仕版

國朝中興功臣則有 輔國大將軍李公與 從祀忠勇廟 位列侯伯許多人名在史乘可徵也嗣後戶口

日祭科宦相繼領鄉薦者三秀才廿以倍通籍者幾半丁籍益徵三百餘此專舉屬省轄者言他轄不及也

溯吾鄉以有今日肇基于

十大老 而成就于 三大家 功德不遷奕葉如見粉榆之望本始之思人同此心匪今斯今也明命初元建

前賢祠額曰 萃先堂嗣德二年重修歷歲既久當補葺而地夾通衢喧囂弗靜成泰十七年卜遷于

澄漢宮之左坐壬向丙督工者皆悉心力以肆月起工捌月完竣計需銀貳仟餘圓皆社內紳耆士庶並有物力者

所捐供也仰茲傑構慰我同人爰豎之碑以記之以表揚我

前賢之功之德於無窮而捐供諸人其善亦不可沒也因疏其姓名以附于後

辰在

維新二年柒月吉日

本社後生輩全頓首拜撰

甲午科舉人張同洽奉代撰

太子少保協辦大學士管領吏部充機密院大臣經筵講官國史館副總裁安長子致仕荷亭阮相公斧正